

## განმარტებითი ბარათი

### ქალაქ ფოთის მუნიციპალიტეტის საკრებულოს დადგენილების პროექტზე „ქალაქ ფოთის მუნიციპალიტეტის 2024 წლის ბიუჯეტის დამტკიცების შესახებ“

#### ა) ზოგადი ინფორმაცია დადგენილების შესახებ:

##### ა.ა) დადგენილების მიღების მიზეზი:

დადგენილება მომზადებულია საქართველოს ორგანული კანონის „ადგილობრივი თვითმმართველობის კოდექსი“ 24-ე და 91-ე მუხლების შესაბამისად და განსაზღვრავს 2024 წლის განმავლობაში მისაღები შემოსულობებისა და გასაწევი გადასახდელების მაჩვენებლებს.

##### ა.ა.ა) პრობლემა რომლის გადაჭრასაც მიზნად ისახავს დადგენილება:

საქართველოს კანონმდებლობის თანახმად, ქალაქ ფოთის მუნიციპალიტეტის ბიუჯეტი წარმოადგენს ქალაქ ფოთის მუნიციპალიტეტის საკრებულოს მიერ დამტკიცებულ, მუნიციპალიტეტის ფუნქციებისა და ვალდებულებების შესრულების მიზნით მისაღები შემოსულობების, გასაწევი გადასახდელებისა და ნაშთის ცვლილების ერთობლიობას.

##### ა.ა.ბ) არსებული პრობლემის გადასაჭრელად დადგენილების მიღების აუცილებლობა:

საქართველოს ორგანული კანონის „ადგილობრივი თვითმმართველობის კოდექსი“ და საქართველოს კანონის „საქართველოს საბიუჯეტო კოდექსი“ თანახმად, ქალაქ ფოთის მუნიციპალიტეტის ბიუჯეტის დამტკიცების შესახებ დადგენილების პროექტის ქალაქ ფოთის მუნიციპალიტეტის აღმასრულებელი ორგანოს მიერ მომზადება და ქალაქ ფოთის მუნიციპალიტეტის საკრებულოს მიერ განხილვა და დამტკიცება ხორციელდება ყოველწლიურად.

##### ა.ბ) დადგენილების პროექტის მოსალოდნელი შედეგი:

საქართველოს კანონის „საქართველოს საბიუჯეტო კოდექსი“ 77-ე მუხლის შესაბამისად, ქალაქ ფოთის მუნიციპალიტეტის 2024 წლის ბიუჯეტის შემოსულობების, გადასახდელების და ნაშთის ცვლილების დამტკიცება.

##### ა.გ) დადგენილების პროექტის ძირითადი არსი:

ქალაქ ფოთის მუნიციპალიტეტის ბიუჯეტის მაჩვენებლები დამოკიდებულია საქართველოში არსებულ მაკროეკონომიკურ მაჩვენებლებზე და საქართველოს კანონმდებლობით დადგენილ მაკროეკონომიკური პარამეტრების ზღვრების დასაცავად განსახორციელებელ ღონისძიებებსა და შეზღუდვებზე.

საქართველოს ცენტრალური ხელისუფლების მიერ 2024-2027 წლების ძირითადი ეკონომიკური და ფინანსური ინდიკატორების საბაზო სცენარის (საქართველოს კანონის „საქართველოს 2024 წლის სახელმწიფო ბიუჯეტის შესახებ“ პროექტის თანდართული მასალები) მიხედვით 2024 წლისთვის ნომინალური მშპ-ს ზრდის ტემპი განსაზღვრულია 8,4 პროცენტით. აღნიშნულიდან გამომდინარე, „ქალაქ ფოთის მუნიციპალიტეტის 2024 წლის ბიუჯეტის დამტკიცების შესახებ“ ქალაქ ფოთის მუნიციპალიტეტის საკრებულოს დადგენილების პროექტში ხარჯების ეკონომიკური კლასიფიკაციის მუხლით განსაზღვრული ასიგნებების ზრდა შეესაბამება საქართველოს ორგანული კანონის „ადგილობრივი თვითმმართველობის კოდექსი“ 155<sup>1</sup> მუხლის მე-2 პუნქტის მოთხოვნებს.

## თავი I. ქალაქ ფოთის მუნიციპალიტეტის ბიუჯეტის ძირითადი მაჩვენებლები

ქალაქ ფოთის მუნიციპალიტეტის 2024 წლის ბიუჯეტის პროექტით შემოსულობების გეგმა შეადგენს 32 522.2 ათ. ლარს, რაც 2 981.9 ათ. ლარით აღემატება წინა წლის დამტკიცებულ მაჩვენებელს. აღნიშნული ზრდა ძირითადად განპირობებულია დამატებითი ღირებულების გადასახადის და ქონების გადასახადის საპროგნოზო მაჩვენებლების ზრდით.

მათ შორის:

**1) გადასახადებიდან** შემოსავლების გეგმა შეადგენს 26 745.0 ათ. ლარს.

აქედან:

- ა) საწარმოთა ქონების (გარდა მიწისა) გადასახადის გეგმა შეადგენს - 14 080.0 ათ. ლარს;
- ბ) უცხოურ საწარმოთა ქონებაზე (გარდა მიწისა) გადასახადის გეგმა - 30.0 ათ. ლარს;
- გ) ფიზიკურ პირთა ქონების (გარდა მიწისა) გადასახადის გეგმა - 40.0 ათ. ლარს;
- დ) სასოფლო-სამეურნეო დანიშნულების მიწაზე გადასახადიდან შემოსავლის გეგმა - 20.0 ათ. ლარს;
- ე) არასასოფლო-სამეურნეო დანიშნულების მიწაზე გადასახადის გეგმა - 1 830.0 ათ. ლარს;
- ვ) დამატებითი ღირებულების გადასახადიდან შემოსავლის გეგმა - 10 745.0 ათ. ლარს შეადგენს.

**2) გრანტებიდან** შემოსავლები გეგმით გათვალისწინებულია 267.2 ათ. ლარი.

აქედან:

ბიუჯეტით გათვალისწინებული ტრანსფერების (მიზნობრივი ტრანსფერი დელეგირებული უფლებამოსილების განსახორციელებლად) გეგმა - 267.2 ათ. ლარი.

**3) სხვა შემოსავლების** გეგმა გათვალისწინებულია 4 910.0 ათ. ლარი.

აქედან:

- ა) პროცენტებიდან შემოსავალი - 550.0 ათ. ლარი;
- ბ) ბუნებრივი რესურსებით სარგებლობისათვის, მოსაკრებლიდან მისაღები შემოსავლების გეგმა - 2500.0 ათ. ლარი;
- გ) მიწის იჯარიდან და მართვაში გადაცემიდან შემოსავლის გეგმა - 80.0 ათ. ლარი;
- დ) ადმინისტრაციული მოსაკრებლების და გადასახდელებიდან შემოსავლის გეგმა - 700.0 ათ. ლარი.

მათ შორის:

- სანებართვო მოსაკრებლიდან შემოსავლის გეგმა შეადგენს - 50.0 ათ. ლარს;
- დასახლებული ტერიტორიის დასუფთავებისათვის ადგილობრივი მოსაკრებელის გეგმა - 650.0 ათ. ლარს;
- ე) არასაბაზრო წესით გაყიდული საქონელი და მომსახურებიდან შემოსავლის გეგმა შეადგენს - 20.0 ათ. ლარს;
- ვ) ჯარიმების, სანქციებისა და საურავების გეგმიდან შემოსავალი შეადგენს 1 000.0 ათ. ლარს;
- ზ) ტრანსფერი რომელიც სხვაგან არ არის კლასიფიცირებული - 60.0 ათ. ლარს.

**4) არაფინანსური აქტივების კლებიდან** შემოსავლის გეგმა შეადგენს 600.0 ათ. ლარს.

აქედან:

- ა) ძირითადი აქტივების გეგმა - 100.0 ათ. ლარს;
- ბ) არაწარმოებული აქტივების (მიწა) გეგმა - 500.0 ათ. ლარს.

## თავი II. ქალაქ ფოთის მუნიციპალიტეტის ბიუჯეტის პრიორიტეტები, პროგრამები, ქვეპროგრამები

ქალაქ ფოთის მუნიციპალიტეტის ბიუჯეტის გადასახდელების მოცულობა შეადგენს 32 522.2 ათ. ლარს, რაც 2 981.9 ათ. ლარით აღემატება წინა წლის დამტკიცებულ მაჩვენებელს.

აღნიშნული ზრდა გამოწვეულია იმით, რომ 2024 წლის მუნიციპალიტეტის ბიუჯეტის ხარჯვით ნაწილში ასახულია დამატებითი ხარჯები, მათ შორის თანამშრომელთა ხელფასების ზრდა კარიერული სქემის შესაბამისად. აღნიშნული გამომდინარეობს საქართველოს კანონის „საქართველოს 2024 წლის სახელმწიფო ბიუჯეტის შესახებ“ პროექტის გათვალისწინებით, რადგან 24-ე მუხლის 2-ე პუნქტით 2024 წელს, საქართველოს კანონის „საჯარო დაწესებულებაში შრომის ანაზღაურების შესახებ“ შესაბამისად, დასაქმებულის საბაზო თანამდებობრივი სარგო განისაზღვრა 1330 ლარის ოდენობით, ნაცვლად 1210 ლარისა.

### პრიორიტეტების მიხედვით გათვალისწინებულია

#### 1. ინფრასტრუქტურის განვითარება - 6 940.1 ათ. ლარი.

მუნიციპალიტეტის ეკონომიკური განვითარების საწინდარია მუნიციპალური ინფრასტრუქტურის მოწესრიგება. ყოველი განხორციელებული ახალი ინფრასტრუქტურული პროექტი მუნიციპალიტეტში ეკონომიკური აქტივობის და ბიზნესის განვითარების ახალი წყაროა. შესაბამისად, მუნიციპალური ინფრასტრუქტურის შემდგომი გაუმჯობესება და განვითარება ბიუჯეტის ერთ-ერთ მთავარ პრიორიტეტს წარმოადგენს. პრიორიტეტის ფარგლებში გაგრძელდება საგზაო და კომუნალური ინფრასტრუქტურის რეაბილიტაცია. ასევე, ინფრასტრუქტურის რეაბილიტაციის გარდა, განხორციელდება არსებული ინფრასტრუქტურის მოვლა-პატრონობა, დაფინანსდება მათ ექსპლოატაციასთან დაკავშირებული ხარჯები და სხვა აუცილებელი კეთილმოწყობის ღონისძიებები. კერძოდ:

#### ➤ საგზაო ინფრასტრუქტურის განვითარება - 1 251.4 ათ. ლარი;

ქალაქში საგზაო მოძრაობის ხარისხის გაუმჯობესების, სატრანსპორტო და ქვეითა ნაკადის უსაფრთხოდ გადაადგილების მიზნით განხორციელდება ქუჩების რეაბილიტაციის, ასფალტირებული ქუჩების დაზიანებული მონაკვეთების ორმული შეკეთების (მიმდინარე რემონტი), ქუჩების მოხრეშვა-დაგრეიდერების სამუშაოები და სხვა.

დაგეგმილია გენდერულად მგრძობიარე საგზაო ინფრასტრუქტურის მოწყობა, შშმ პირთა და საბავშვო ეტლით მოსარგებლეთა საჭიროებების გათვალისწინებით გზების ადაპტირება; დაფინანსდება საავტომობილო გზის სავალ ნაწილზე ჰორიზონტალური მონიშვნის და საგზაო ნიშნების მოწყობის სამუშაოები, მათ შორის ფეხით მოსიარულეთა გადასასვლელები და სიჩქარის შემზღუდავი საშუალებების მოწყობა საზოგადოებრივი მნიშვნელობის ობიექტებთან. დაფინანსდება ვიდეოსათვალთვალო კამერების მოვლა-პატრონობის სამუშაოები და სხვა.

#### ➤ გარე განათება - 715.4 ათ. ლარი;

ღამის პერიოდში, უსაფრთხო და კომფორტული გარემოს შექმნისათვის მნიშვნელოვანი ადგილი უკავია გარე განათების ქსელის გამართულ ფუნქციონირებას. რისი გათვალისწინებითაც პროგრამის ფარგლებში განხორციელდება გარე განათების, ს/სახლებისა და ძეგლების მინათების და სხვა ტიპის განათების ელექტროენერჯის ხარჯების დაფინანსება. ასევე დაფინანსდება გარე განათების ქსელის მოვლა-პატრონობის სამუშაოები.

მოწესრიგებული გარე განათების სისტემა გენდერულად მნიშვნელოვანია, რადგან გაუნათებელი ქუჩები განსაკუთრებით რისკის შემცველია ქალების, ბავშვების, ხანდაზმული და შშმ პირებისთვის. გარე განათების სისტემის გამართული ფუნქციონირება ამცირებს დანაშაულის რისკებს.

➤ **სანიაღვრე არხებისა და სატუმბო სადგურების მშენებლობა, რეაბილიტაცია და ექსპლოატაცია - 977.0 ათ. ლარი;**

პროგრამის ფარგლებში განხორციელდება სანიაღვრე არხების, პრობლემური ხიდბოგირების (საჭიროების შემთხვევაში მისი დემონტაჟი-მონტაჟი), არხების ურთიერთშეერთების ადგილების, საწვიმური ჭების და პრობლემატური მონაკვეთების ლოკალური და სისტემატიური გაწმენდა გამტარუნარიანობის შესანარჩუნებლად.

ქალაქის სამელიორაციო ქსელის გამტარიანობის გაზრდის, ნიაღვრული წყლების წყალმომღებებში დროულად ჩაშვებისა და ექსტრემალურ პირობებში ქალაქის დატბორვის თავიდან აცილების ან ვითარების შემსუბუქების მიზნით, აუცილებელია წყალშემკრები მაგისტრალური არხების ბოლოში, წყალმომღებებთან, სათანადო სიმძლავრის სატუმბი წყალგადამქაჩი სატუმბების გამართული ფუნქციონირება.

პროგრამის ფარგლებში, ასევე, დაფინანსდება სატუმბო სადგურების ელექტრო ენერჯის ხარჯები.

➤ **ბინათმშენებლობა - 800.0 ათ. ლარი;**

ქალაქში არსებული სოციალურ-ეკონომიკური მდგომარეობიდან გამომდინარე, ბინათმესაკუთრეთა ამხანაგობები ვერ ახორციელებენ საერთო ქონების დამოუკიდებელ მოვლა-პატრონობას და განვითარებას. აქედან გამომდინარე, განხორციელდება მრავალსართულიანი ს/სახლების სახურავების და ლიფტების კაპ.შეკეთების სამუშაოები. დაფინანსდება საბინაო ფონდის მოვლა-პატრონობის სამუშაოები. შესრულებული სამუშაოების შედეგად მოეწყობა გენდერულად პასუხისმგებელიანი ინფრასტრუქტურა, რადგან მაღალ სართულებზე მცხოვრებ მოხუცებს, ბავშვებსა და შშმ პირებს ექნებათ თავისუფლად გადაადგილების საშუალება.

➤ **კეთილმოწყობის ღონისძიებები - 490.0 ათ. ლარი;**

პროგრამის ფარგლებში განხორციელდება ავტობუსების გაჩერებებზე მგზავრთა მოსაცდელების მოწყობის სამუშაოები. საახალწლო ქალაქგაფორმებისათვის შეძენილ იქნება ინვენტარი და გაფორმდება ქალაქი, შეძენილ იქნება სახელმწიფო დროშები. ასევე დაფინანსდება ქალაქის ტერიტორიაზე არსებული 7 სასაფლაოს მოვლა-პატრონობის სამუშაოები და სხვა.

➤ **სერვისების ცენტრის ხელშეწყობა - 506.3 ათ. ლარი;**

ა(ა)იპ „ქალაქ ფოთის მუნიციპალიტეტის სერვისების ცენტრი“ ახორციელებს გარე განათების მოვლა-პატრონობის, საბინაო ფონდის მოვლა-პატრონობის, ქალაქის ქუჩების დაგვა-დასუფთავების და ნარჩენების გატანის, დასუფთავების მოსაკრებლის ადმინისტრირების, მწვანე ნარგავების მოვლა-პატრონობის და განვითარების, უმეტესადაც დარჩენილი ცხოველების კონტროლის, ქუჩების სარემონტო, სანიაღვრე არხებისა და სატუმბო სადგურების მოვლა-პატრონობის, საკრებულოსა და მერიის ადმინისტრაციული შენობის (მათ შორის მერიის სტრუქტურული ერთეულების) მოვლა-პატრონობის, მინი სპორტული მოედნების მოვლა-პატრონობის სამუშაოებს.

➤ **სამშენებლო სამუშაოების ტექნიკური ზედამხედველობის მომსახურება - 340.0 ათ. ლარი;**

პროგრამის ფარგლებში მოხდება ტენდერში გამარჯვებული კომპანიის მიერ, შესრულებული სამუშაოების (ფორმა №2) ინსპექტირება.

➤ **ინფრასტრუქტურული ობიექტების მშენებლობის პროექტირება - 330.0 ათ. ლარი;**

პროგრამის ფარგლებში დაფინანსდება მუნიციპალიტეტში განსახორციელებელი ინფრასტრუქტურული პროექტების საპროექტო-სახარჯთაღრიცხვო დოკუმენტაციის შესყიდვა. საპროექტო-სახარჯთაღრიცხვო დოკუმენტაციის მომზადების პროცესში გათვალისწინებული იქნება გენდერული ასპექტები.

პროგრამის თანხების განკარგვა ხორციელდება რეგიონალურ დონეზე ჩატარებული კონსოლიდირებული ტენდერების საშუალებით.

➤ საქართველოს რეგიონებში განსახორციელებელი პროექტების თანადაფინანსება - 350.0 ათ. ლარი; პროგრამის ფარგლებში გათვალისწინებულია საქართველოს რეგიონებში განსახორციელებელი პროექტების თანადაფინანსება. პროექტების განხორციელების პროცესში გათვალისწინებული იქნება გენდერული ასპექტები.

➤ ცენტრალური პარკის ხელშეწყობა - 700.0 ათ. ლარი; პროგრამა ითვალისწინებს ცენტრალური პარკის ტერიტორიაზე მდებარე ინფრასტრუქტურის, არსებული მწვანე საფარის, მწვანე ნარგავების, ყვავილების და ა.შ. მოვლა-პატრონობის, განახლებისა და აღდგენის, პარკის ტერიტორიაზე სანიტარული ნორმების დაცვის სამუშაოების უზრუნველყოფას. ასევე, კულტურულ, შემეცნებით-გასართობითი დანიშნულების მქონე ახალი ობიექტების შექმნას, რათა შექმნილი იქნას შესაბამისი გარემო ნორმალური დასვენებისათვის. მოეწყობა გენდერულად პასუხისმგებლიანი და თანაბარხელმისაწვდომი ინფრასტრუქტურა, სადაც ყველა სოციალური ჯგუფის წარმომადგენელს შეეძლება პარკის სერვისებით შეუფერხებლად სარგებლობა.

➤ მუნიციპალური ინსპექციის ხელშეწყობა - 480.0 ათ. ლარი; ა(ა)იპ „ქალაქ ფოთის მუნიციპალური ინსპექცია“ ახორციელებს უფლებამოსილებას მიკუთვნებულ სფეროებში დადგენილი წესების დაცვაზე ზედამხედველობას, დარღვევათა თავიდან ასაცილებლად პრევენციული ღონისძიებების დაგეგმვას. ქალაქის ტერიტორიაზე მშენებლობის, ქალაქის იერსახის, რეკლამის, აბრის, გარე ვაჭრობის, ნარჩენებით ქალაქის დანაგვიანების, კომპეტენციის ფარგლებში კანონმდებლობის შესრულებაზე კონტროლს და სხვა.

## 2. დასუფთავება და გარემოს დაცვა - 3 317.5 ათ. ლარი.

ქალაქის ერთ-ერთ მთავარ ფუნქციას წარმოადგენს საიმედო სანიტარული მდგომარეობის უზრუნველყოფა. ამ მიზნით განხორციელდება შესაბამისი ღონისძიებები. კერძოდ, ქალაქის ქუჩების ყოველდღიური დაგვა-დასუფთავება და ნარჩენების გატანა, გარე ქსელის ბუნკერების საყოფაცხოვრებო ნარჩენებისაგან გათავისუფლება, დასუფთავების მოსაკრებლის ადმინისტრირების და ნარჩენების მართვის სხვა ღონისძიებები.

პროგრამის ფარგლებში განხორციელდება მარადმწვანე მცენარეების, ბუჩქების, ერთწლიანი ყვავილების და სხვა ნარგავების დარგვა, მათი მოვლა, ახალი გამწვანების ზონების შექმნა, სკვერებისა და ქალაქის ქუჩების მწვანე საფარის გათიბვის სამუშაოები. პროგრამის ფარგლებში, ასევე განხორციელდება მუნიციპალიტეტის ტერიტორიაზე უმეტესაღმრთოდ დარჩენილი ცხოველების იზოლაცია.

2024 წლის ბიუჯეტით დაფინანსდება:

➤ დასუფთავება და ნარჩენების გატანა - 2 100.0 ათ. ლარი;

პროგრამის ფარგლებში განხორციელდება ქალაქის ტერიტორიაზე არსებული ქუჩების დაგვა გრაფიკის მიხედვით დილა-საღამოს, ცენტრალური ქუჩების კი დღეში 3-ჯერ, სეზონურად ზღვის სანაპირო ზოლის დასუფთავება, ტერიტორიების გაწმენდა ხის ტოტებისაგან და სხვა ნარჩენებისგან, ნაგავის შეგროვება და გატანა დამტკიცებული გრაფიკის შესაბამისად. გარკვეული უბნებიდან რამოდენიმე ქუჩაზე (სადაც არაა განთავსებული სანაგვე კონტეინერები) ნაგავი გაიტანება კარდაკარ შემოვლის პრინციპით (ერთი და იგივე ქუჩიდან 2 დღეში ერთხელ). განხორციელდება როგორც საყოფაცხოვრებო, ასევე მყარი ნარჩენების (სამშენებლო ნანგრევები და სხვა) გატანა. სამსახური განხორციელებს დაზიანებული სანაგვე კონტეინერების მიმდინარე შეკეთების სამუშაოებს - დაზიანებული ბორბლების შეკეთება ან/და შეცვლა, ასევე პერიოდულად მოხდება სანაგვე კონტეინერების საქმიან ეზოში გადატანა, გარეცხვა და კვლავ ლოკაციის ადგილებზე დაბრუნება.

- **დასუფთავების მოსაკრებლის ადმინისტრირება - 140.0 ათ. ლარი;**  
 პროგრამის ფარგლებში განხორციელდება ქალაქის ტერიტორიაზე ნარჩენების წარმომქმნელი პირებისაგან (ფიზიკური პირი, ინდივიდუალური მეწარმე, დაწესებულება, ორგანიზაცია, იურიდიული პირი) დასახლებული ტერიტორიის დასუფთავების მოსაკრებლის ამოღება, ქალაქ ფოთის მუნიციპალიტეტის საკრებულოს დადგენილებებით განსაზღვრული ნორმა-ლიმიტების შესაბამისად.
- **გამწვანების სამუშაოები - 100.0 ათ. ლარი;**  
 ქალაქის განვითარებისა და ეკოსისტემის გაუმჯობესებისათვის მნიშვნელოვანი ადგილი უკავია გამწვანების სამუშაოებს. შესაბამისად, პროგრამის ფარგლებში განხორციელდება მრავალწლიანი მცენარეების შესყიდვის და დარგვის სამუშაოები. რეკრეაციული ინფრასტრუქტურის განვითარებით, მნიშვნელოვანად გაუმჯობესდება ქალაქის იერსახე, მცენარეთა ფიტოსანიტარიული მდგომარეობა, ქალაქის მოსახლეობის დასვენების პირობები.
- **გამწვანებული ტერიტორიების მოვლა-პატრონობა - 700.0 ათ. ლარი;**  
 პროგრამის ფარგლებში განხორციელდება ახალი მარადმწვანე მცენარეების, ბუჩქების, ერთწლიანი ყვავილების და სხვა ნარგავების დარგვა, ახალი გამწვანების ზონების შექმნა, მანებლების მოსპობის მიზნით, შხამქიმიკატებით შეწამვლა, სისტემატიური მორწყვა და ვეგეტაციამდე სასუქის შეტანა, დაბალი ნარგავების და ბუჩქების გაკრეჭვა-ფორმირება, ზრდასრული ხეების შესხეპვა-გადაბეღვა, გადაბერებული ზეხმელი ხეების მოჭრა, სკვერების, ქალაქის ქუჩების და ზღვის სანაპირო ზოლის მწვანე საფარის მრავალჯერადი გათიბვის სამუშაოები, ხეების შეწამვლა კირით, საჭიროებისამებრ ნარგავების ირგვლივ ნიადაგის შემობარვა, სკვერებში სავალი გზების (ფილები) ნიჩბებით გაფხევა-გაწმენდა, მალთაყვის ტყე-პარკის გაკაფვა-გათიბვა-გაწმენდის სამუშაოების წარმოება და სხვა.
- **უმეთვალყურეოდ დარჩენილი ცხოველების იზოლაცია - 277.5 ათ. ლარი.**  
 ქალაქის ტერიტორიაზე მაწანწალა ძაღლების არსებობა სხვადასხვა ვირუსული დაავადების და ცოფის გავრცელების ძირითად საფრთხეს წარმოადგენს. მოსახლეობის უსაფრთხოების დაცვის მიზნით, შემოსული შეტყობინების საფუძველზე, განხორციელდება სწრაფი რეაგირება. კერძოდ, მოხდება მაწანწალა ძაღლების გადაყვანა, კონტრაქტორის მეშვეობით, სპეციალურ, დროებით თავშესაფარში, მათი იდენტიფიკაცია საჭდით, დეჰელმენტიზაცია, ვაქცინაცია, სტერილიზაცია/კასტრაცია და დაბრუნება კვლავ პირვანდელ ლოკაციაზე.  
 ასევე, განხორციელდება უმეთვალყურეოდ დარჩენილი მოხეტიალე პირუტყვის დაჭერა, მათი გადაყვანა სპეცსადგომზე, იდენტიფიცირებულ მეპატრონეებთან ადმინისტრაციული სამართალდარღვევის ოქმის გაფორმება და ჯარიმის თანხების ოპერატიულად შემოტანის უზრუნველყოფაზე კონტროლი, პრევენციული ღონისძიებების გატარება მოხეტიალე პირუტყვის ქალაქის აკრძალულ ტერიტორიებზე მოხვედრის თავიდან ასაცილებლად.

### **3. განათლება - 3 800.0 ათ. ლარი.**

მომავალი თაობების აღზრდის მიმართულებით დაწყებითი და ზოგადი განათლების გარდა მნიშვნელოვანი როლი ენიჭება სკოლამდელ განათლებას, რაც მუნიციპალიტეტის საკუთარ უფლებამოსილებას განეკუთვნება და შესაბამისად, ერთ-ერთ პრიორიტეტს წარმოადგენს, რომლის ფარგლებში განხორციელდება საბავშვო ბაღების ფუნქციონირებისათვის საჭირო ხარჯების დაფინანსება, ინვენტარით უზრუნველყოფა.

დღეის მდგომარეობით, ქალაქ ფოთის მუნიციპალიტეტის ტერიტორიაზე ფუნქციონირებს 15 სკოლამდელი აღზრდის დაწესებულება. ბავშვთა კვებისათვის დადგენილია ერთ ბავშვზე 3.3 ლარი დღეში.

#### 4. კულტურა, რელიგია, ახალგაზრდობა და სპორტი - 5 693.7 ათ. ლარი.

მუნიციპალიტეტის ინფრასტრუქტურული და ეკონომიკური განვითარების პარალელურად, აუცილებელია ხელი შეეწყოს კულტურული ტრადიციების დაცვას და ამ ტრადიციების ღირსეულ გაგრძელებას. ამასთანავე, ერთ-ერთი პრიორიტეტია ახალგაზრდების მრავალმხრივი (როგორც სულიერი, ისე ფიზიკური თვალსაზრისით) განვითარების ხელშეწყობა და მათში ცხოვრების ჯანსაღი წესის დამკვიდრება.

შესაბამისად, მუნიციპალიტეტი განაგრძობს სპორტისა და კულტურის სფეროს დაწესებულებების ხელშეწყობას, ახალგაზრდული, სპორტული და კულტურული ღონისძიებების ფინანსურ მხარდაჭერას, რათა ნიჭიერმა ბავშვებმა და ახალგაზრდებმა შეძლონ თავიანთი შესაძლებლობების გამოვლენა.

2024 წლის ბიუჯეტით დაფინანსდება:

- რაგბის სასპორტო სკოლის ხელშეწყობა - 250.0 ათ. ლარი;
  - ხელბურთის კლუბის "ოქროს ვერძი" ხელშეწყობა - 128.7 ათ. ლარი;
  - ახალგაზრდული და სპორტული ღონისძიებები - 255.0 ათ. ლარი;
  - სპორტისა და ტურიზმის ცენტრის ხელშეწყობა - 1 745.2 ათ. ლარი;
  - კაპიტალური დაბანდებები სპორტის სფეროში - 140.0 ათ. ლარი;
- ქალაქში არსებობს რამოდენიმე მინი სპორტული მოედანი, რომელსაც საკმაოდ აქტიურად იყენებენ ახალგაზრდები თავისუფალი დროის ნაყოფიერად გასატარებლად. აღნიშნული სპორტული მოედნები საჭიროებენ კაპიტალურ შეკეთებას.

კაპიტალური შეკეთებისას გათვალისწინებული იქნება მულტიფუნქციური სივრცე (ფეხბურთის, კალათბურთის, ხელბურთის, ფრენბურთის ბადეები და სხვა) და გენდერული ასპექტები, სადაც ბიჭებისა და გოგონების განსხვავებული საჭიროებების მიხედვით იქნება დაგეგმილი სპორტული სივრცეები.

- მინი სპორტული მოედნების მოვლა-პატრონობა - 120.0 ათ. ლარი;
- ქალაქში არსებული მინი სპორტული მოედნები საჭიროებენ მოვლა-პატრონობას. კერძოდ, მიმდინარე შეკეთების სამუშაოების ჩატარებას - მინდვრის ხელოვნური საფარის და ლითონის ბადის დაზიანებული ნაწილის შეცვლა-აღდგენას, მოედნის ლითონის კონსტრუქციის შეღებვას, კალათბურთის ფარის შეკეთებას, ფეხბურთის კარის ბადის გამოცვლას, სტადიონის განათების სისტემის მოწესრიგებას და სხვა.
- მრავალფუნქციური საცურაო კომპლექსის ხელშეწყობა - 800.0 ათ. ლარი;
  - აკაკი ჩხაიძის სახელობის სახელოვნებო სამხატვრო სასწავლებლის ხელშეწყობა - 320.0 ათ. ლარი;
  - არჩილ ხორავას სახელობის სკოლისგარეშე სახელოვნებო სასწავლებლის ხელშეწყობა - 394.8 ათ. ლარი;
  - მოსწავლე-ახალგაზრდობის შემოქმედების ცენტრის ხელშეწყობა - 295.0 ათ. ლარი;
  - ფოლკლორის ცენტრის ხელშეწყობა - 550.0 ათ. ლარი;
  - საგამოფენო დარბაზის ხელშეწყობა - 110.0 ათ. ლარი;
  - საბიბლიოთეკო გაერთიანების ხელშეწყობა - 250.0 ათ. ლარი;
  - რეგიონალური თეატრების საერთაშორისო ფესტივალის მხარდაჭერა - 25.0 ათ. ლარი;
  - კულტურული ღონისძიებები - 240.0 ათ. ლარი;
  - რელიგიური ორგანიზაციების ხელშეწყობა - 70.0 ათ. ლარი.

#### 5. ჯანმრთელობის დაცვა და სოციალური უზრუნველყოფა - 4 480.3 ათ. ლარი.

მოსახლეობის ჯანმრთელობის დაცვის ხელშეწყობა და მათი სოციალური დაცვა მუნიციპალიტეტის ერთ-ერთ მთავარ პრიორიტეტს წარმოადგენს. მუნიციპალიტეტი არსებული რესურსების ფარგლებში განაგრძობს შეჭირვებული მოსახლეობის სხვადასხვა დახმარებებით და შეღავათებით

უზრუნველყოფას, სახელმწიფო ბიუჯეტიდან გამოყოფილი მიზნობრივი ტრანსფერის ფარგლებში საზოგადოებრივი ჯანმრთელობის დაცვის მიზნით სხვადასხვა პროგრამების განხორციელებას, რაც უზრუნველყოფს მუნიციპალიტეტის მოსახლეობის ჯანმრთელობის დაცვას სხვადასხვა გადამდები და ინფექციური დაავადებებისაგან.

**ჯანმრთელობის დაცვისა და სოციალური უზრუნველყოფის პროგრამები მოიცავს:**

- **საზოგადოებრივი ჯანდაცვის მომსახურება** - 257.2 ათ. ლარი.
- **ჯანდაცვის სხვა პროგრამები** - 884.5 ათ. ლარი;
  - სამედიცინო მომსახურების დაფინანსების პროგრამა - 340.0 ათ. ლარი;
  - მოსახლეობის მედიკამენტებით უზრუნველყოფა - 120.0 ათ. ლარი;
  - სასმელი, სარეკრიაციო და ჩამდინარე წყლების სანიტარულ-ბაქტერიოლოგიური და სანიტარულ-ქიმიური გამოკვლევა - 40.0 ათ. ლარი;
  - შშმ ბავშვთა აბილიტაცია-რეაბილიტაციის დაფინანსება - 340.0 ათ. ლარი;
  - ფენილკეტონურიით და ცელიაკით დაავადებულ პირთა კვებითი დანამატებით უზრუნველყოფა - 10.5 ათ. ლარი;
  - კოხლეარული იმპლანტით მოსარგებლე ბენეფიციართა დახმარება - 4.0 ათ. ლარი;
  - საქმიანობათა ცენტრის ფოთში უსაფრთხო გარემოსა და სიცოცხლის ხელშეწყობისათვის - 30.0 ათ. ლარი.
- **სოციალური დაცვის პროგრამები** - 998.6 ათ. ლარი.
  - სარიტუალო მომსახურება - 35.0 ათ. ლარი;
  - მარტოხელა მშობელთა დახმარება - 72.0 ათ. ლარი;
  - ბავშვთა ცენტრის ხელშეწყობა - 170.0 ათ. ლარი;
  - განსაკუთრებული საჭიროების მქონე პირთა მხარდაჭერის პროგრამა - 50.0 ათ. ლარი;
  - 2008 წლის აგვისტოს მოვლენების დროს რუსეთის აგრესიის შედეგად დაღუპულთა ოჯახებისა და დაჭრილ მოქალაქეთა დახმარება - 25.6 ათ. ლარი;
  - მეორე მსოფლიო ომის მონაწილეთა, ამავე ომის შშმ პირთა და სხვა სახელმწიფოთა ტერიტორიული მთლიანობისათვის ბრძოლის მონაწილეთა დახმარება - 6.6 ათ. ლარი;
  - უსინათლოებისა და სმენადაქვეითებულთა მატერიალური დახმარება კომუნალური გადასახადების დასაფინანსებლად - 55.0 ათ. ლარი;
  - უსინათლოებისათვის წნევის გამზომი ხმოვანი აპარატების შეძენა - 3.0 ათ. ლარი;
  - შშმ ბავშვთა დღის ცენტრის დახმარება კომუნალური გადასახადების დასაფინანსებლად - 13.0 ათ. ლარი;
  - სოციალურად დაუცველი სტუდენტების მხარდაჭერა - 20.0 ათ. ლარი;
  - ოჯახში ძალადობის მსხვერპლთა დაცვის ღონისძიებები - 3.6 ათ. ლარი;
  - ახალშობილთა ოჯახების დახმარება - 20.0 ათ. ლარი;
  - მრავალშვილიანი ოჯახების ყოველთვიური დახმარება - 250.0 ათ. ლარი;
  - ხუთი და მეტშვილიანი ოჯახების დახმარება - 40.0 ათ. ლარი;
  - სადღესასწაულო დღეებთან დაკავშირებული დახმარებები - 70.0 ათ. ლარი;
  - განსაკუთრებით მძიმე საცხოვრებელ პირობებში, უბედური შემთხვევისა და სტიქიური მოვლენების შედეგად დაზარალებული ოჯახებისათვის ერთჯერადი დახმარება - 30.0 ათ. ლარი;
  - მძიმე სოციალურ-ეკონომიკურ პირობებში მარტოდ მცხოვრები (მარტოხელა), სოციალურად დაუცველი, პენსიონერი მოქალაქეებისათვის გაზიფიცირების ხელშეწყობის პროგრამა - 3.0 ათ. ლარი;
  - გენდერული თანასწორობის ხელშეწყობის პროგრამა - 15.0 ათ. ლარი;
  - თავშესაფრის გარეშე დარჩენილი ოჯახების დროებითი საცხოვრებელი ბინის ქირით უზრუნველყოფის პროგრამა - 70.0 ათ. ლარი;
  - ჟანგბადდამოკიდებული ბენეფიციარების მატერიალური დახმარება ჟანგბადით უზრუნველყოფის მიზნით - 10.0 ათ. ლარი;
  - საჭიროების მქონე ბავშვიანი ოჯახების ფინანსური დახმარება - 10.0 ათ. ლარი;

- დიაბეტით დაავადებულ (18 წლამდე) ბავშვთა მატერიალური დახმარების პროგრამა - 16.8 ათ. ლარი;
- სოციალურად დაუცველი და საჭიროების მქონე მოსწავლეების სასკოლო ნივთებით უზრუნველყოფა - 10.0 ათ. ლარი.
- **სოციალური მომსახურების ცენტრის ხელშეწყობა** - 1 340.0 ათ. ლარი;
- **ფოთის სატრანსპორტო კომპანიის სუბსიდირება** - 1 000.0 ათ. ლარი.

**6. მმართველობა და საერთო დანიშნულების ხარჯები - 8 290.6 ათ. ლარი.**

პრიორიტეტი მოიცავს ისეთ ღონისძიებებს, რომლებიც ადმინისტრაციული ხასიათისაა და ხელს უწყობს სისტემის გამართულ ფუნქციონირებას. კერძოდ, აღნიშნული პრიორიტეტიდან დაფინანსდება მუნიციპალიტეტის მერიის სტრუქტურული ერთეულების და მუნიციპალიტეტის საკრებულოს აპარატის შენახვის ხარჯები. მათ შორის: შრომის ანაზღაურება, საქონელი და მომსახურება და სხვა. პრიორიტეტი ასევე მოიცავს საჯარო მოხელეთა კვალიფიკაციის ამაღლების ხელშეწყობის ხარჯებს.

ამავე პრიორიტეტიდან დაფინანსდება ისეთი ხარჯები, როგორცაა სარეზერვო ფონდი, მუნიციპალიტეტის ვალდებულებების (წინა წლებში წარმოქმნილი ვალდებულებების დაფარვა და სასამართლოს აღსრულების ფინანსური უზრუნველყოფა) დაფარვა, მუნიციპალური არქივის მომსახურების ხარჯები და სხვა.

კერძოდ:

- ქალაქ ფოთის მუნიციპალიტეტის საკრებულო - 2 207.6 ათ. ლარი;
- ქალაქ ფოთის მუნიციპალიტეტის მერია - 5 007.8 ათ. ლარი;
- სარეზერვო ფონდი - 150.0 ათ. ლარი;
- წინა წლებში წარმოქმნილი ვალდებულებების დაფარვა და სასამართლოს გადაწყვეტილებების აღსრულების ფინანსური უზრუნველყოფა - 20.0 ათ. ლარი;
- მუნიციპალიტეტის ვალდებულებების მომსახურება და დაფარვა - 905.2 ათ. ლარი.

**თავი III. ქალაქ ფოთის მუნიციპალიტეტის ბიუჯეტის ასიგნებები**

| პროგრამული კოდი | დასახელება  | (ათასი ლარი)      |
|-----------------|---|-------------------|
|                 |   | 2024 წლის პროექტი |
|                 | <b>სულ ჯამი</b>   | <b>32,522.2</b>   |
| <b>01 00</b>    | <b>მმართველობა და საერთო დანიშნულების ხარჯები</b>   | <b>8,290.6</b>    |
| 01 01           | ქალაქ ფოთის მუნიციპალიტეტის საკრებულო   | 2,207.6           |
| 01 02           | ქალაქ ფოთის მუნიციპალიტეტის მერია   | 5,007.8           |
| 01 04           | სარეზერვო ფონდი   | 150.0             |
| 01 05           | წინა წლებში წარმოქმნილი ვალდებულებების დაფარვა და სასამართლოს გადაწყვეტილებების აღსრულების ფინანსური უზრუნველყოფა | 20.0              |

| პროგრამული კოდი | დასახელება  | 2024 წლის პროექტი |
|-----------------|---|-------------------|
| 01 06           | მუნიციპალიტეტის ვალდებულებების მომსახურება და დაფარვა                             | 905.2             |
| <b>02 00</b>    | <b>ინფრასტრუქტურის განვითარება</b>  | <b>6,940.1</b>    |
| 02 01           | საგზაო ინფრასტრუქტურის განვითარება  | 1,251.4           |
| 02 01 01        | გზების კაპიტალური შეკეთება  | 281.0             |
| 02 01 02        | გზების მიმდინარე შეკეთება   | 300.0             |
| 02 01 03        | საგზაო ნიშნები და უსაფრთხოება   | 60.0              |
| 02 01 04        | ქუჩების სარემონტო სამუშაოები  | 610.4             |
| 02 02           | გარე განათება   | 715.4             |
| 02 02 01        | გარე განათების ელ. ენერჯის ხარჯების ანაზღაურება                                   | 500.0             |
| 02 02 02        | გარე განათების ქსელის მოვლა-პატრონობა   | 215.4             |
| 02 03           | სანიაღვრე არხებისა და სატუმბო სადგურების მშენებლობა, რეაბილიტაცია და ექსპლოატაცია | 977.0             |
| 02 03 01        | სატუმბო სადგურების ელ. ენერჯის ხარჯების ანაზღაურება                               | 40.0              |
| 02 03 02        | სანიაღვრე არხებისა და სატუმბო სადგურების მოვლა-პატრონობა                          | 937.0             |
| 02 04           | ბინათმშენებლობა   | 800.0             |
| 02 04 01        | მრავალსართულიანი ს/სახლების ფასადების, სახურავებისა და სადარბაზოების რეაბილიტაცია | 400.0             |
| 02 04 02        | მრავალსართულიანი ს/სახლების ლიფტების რეაბილიტაცია, ექსპლოატაცია                   | 100.0             |
| 02 04 03        | საბინაო ფონდის მოვლა-პატრონობა  | 300.0             |
| 02 06           | კეთილმოწყობის ღონისძიებები  | 490.0             |
| 02 06 01        | საზოგადოებრივი სივრცეების მოწყობა-რეაბილიტაცია, ექსპლოატაცია                      | 310.0             |
| 02 06 03        | სასაფლაოების მოვლა-პატრონობა  | 180.0             |
| 02 07           | სერვისების ცენტრის ხელშეწყობა   | 506.3             |
| 02 08           | სამშენებლო სამუშაოების ტექნიკური ზედამხედველობის მომსახურება                      | 340.0             |
| 02 09           | ინფრასტრუქტურული ობიექტების მშენებლობის პროექტირება                               | 330.0             |
| 02 10           | საქართველოს რეგიონებში განსახორციელებელი პროექტების თანადაფინანსება               | 350.0             |
| 02 13           | ცენტრალური პარკის ხელშეწყობა  | 700.0             |
| 02 14           | მუნიციპალური ინსპექციის ხელშეწყობა  | 480.0             |
| <b>03 00</b>    | <b>დასუფთავება და გარემოს დაცვა</b>   | <b>3,317.5</b>    |
| 03 01           | დასუფთავება და ნარჩენების გატანა  | 2,100.0           |

| პროგრამული კოდი | დასახელება   | 2024 წლის პროექტი |
|-----------------|--|-------------------|
| 03 02           | დასუფთავების მოსაკრებლის ადმინისტრირება                                  | 140.0             |
| 03 03           | გამწვანების სამუშაოები   | 100.0             |
| 03 04           | გამწვანებული ტერიტორიების მოვლა-პატრონობა                                | 700.0             |
| 03 05           | უმეტვალყურეოდ დარჩენილი ცხოველების იზოლაცია                              | 277.5             |
| <b>04 00</b>    | <b>განათლება</b>   | <b>3,800.0</b>    |
| 04 01           | სკოლამდელი დაწესებულებების ფუნქციონირება                                 | 3,800.0           |
| <b>05 00</b>    | <b>კულტურა, რელიგია, ახალგაზრდობა და სპორტი</b>                          | <b>5,693.7</b>    |
| 05 01           | სპორტის სფეროს განვითარება   | 3,438.9           |
| 05 01 01        | სპორტული დაწესებულებების ხელშეწყობა                                      | 378.7             |
| 05 01 01 01     | რაგბის სასპორტო სკოლის ხელშეწყობა  | 250.0             |
| 05 01 01 02     | ხელბურთის კლუბის "ოქროს ვერძი" ხელშეწყობა                                | 128.7             |
| 05 01 02        | ახალგაზრდული და სპორტული ღონისძიებები                                    | 255.0             |
| 05 01 03        | სპორტისა და ტურიზმის ცენტრის ხელშეწყობა                                  | 1,745.2           |
| 05 01 05        | კაპიტალური დაბანდებები სპორტის სფეროში                                   | 140.0             |
| 05 01 07        | მინი სპორტული მოედნების მოვლა-პატრონობა                                  | 120.0             |
| 05 01 09        | მრავალფუნქციური საცურაო კომპლექსის ხელშეწყობა                            | 800.0             |
| 05 02           | კულტურის სფეროს განვითარება  | 2,184.8           |
| 05 02 01        | კულტურის სფეროს დაწესებულებების ხელშეწყობა                               | 1,944.8           |
| 05 02 01 01     | აკაკი ჩხაიძის სახელობის სახელოვნებო სამხატვრო სასწავლებლის ხელშეწყობა    | 320.0             |
| 05 02 01 02     | არჩილ ხორავას სახელობის სკოლისგარეშე სახელოვნებო სასწავლებლის ხელშეწყობა | 394.8             |
| 05 02 01 03     | მოსწავლე-ახალგაზრდობის შემოქმედების ცენტრის ხელშეწყობა                   | 295.0             |
| 05 02 01 04     | ფოლკლორის ცენტრის ხელშეწყობა   | 550.0             |
| 05 02 01 05     | საგამოფენო დარბაზის ხელშეწყობა   | 110.0             |
| 05 02 01 06     | საბიბლიოთეკო გაერთიანების ხელშეწყობა                                     | 250.0             |
| 05 02 01 07     | რეგიონალური თეატრების საერთაშორისო ფესტივალის მხარდაჭერა                 | 25.0              |
| 05 02 02        | კულტურული ღონისძიებები   | 240.0             |
| 05 03           | რელიგიური ორგანიზაციების ხელშეწყობა                                      | 70.0              |

| პროგრამული კოდი | დასახელება  | 2024 წლის პროექტი |
|-----------------|---|-------------------|
| 06 00           | <b>ჯანმრთელობის დაცვა და სოციალური უზრუნველყოფა</b>   | <b>4,480.3</b>    |
| 06 01           | საზოგადოებრივი ჯანდაცვის მომსახურება  | 257.2             |
| 06 02           | ჯანდაცვის სხვა პროგრამები   | 884.5             |
| 06 02 01        | სამედიცინო მომსახურების დაფინანსების პროგრამა   | 340.0             |
| 06 02 02        | მოსახლეობის მედიკამენტებით უზრუნველყოფა   | 120.0             |
| 06 02 04        | სასმელი, სარეკრეაციო და ჩამდინარე წყლების სანიტარულ-ბაქტერიოლოგიური და სანიტარულ-ქიმიური გამოკვლევა                               | 40.0              |
| 06 02 05        | შშმ ბავშვთა აბილიტაცია-რეაბილიტაციის დაფინანსება  | 340.0             |
| 06 02 06        | ფენილკეტონურიით და ცელიაკით დაავადებულ პირთა კვებითი დანამატებით უზრუნველყოფა   | 10.5              |
| 06 02 07        | კოხლეარული იმპლანტით მოსარგებლე ბენეფიციართა დახმარება  | 4.0               |
| 06 02 10        | საქმიანობათა ცენტრი ფოთში უსაფრთხო გარემოსა და სიცოცხლის ხელშეწყობისათვის   | 30.0              |
| 06 04           | <b>სოციალური დაცვა</b>  | <b>998.6</b>      |
| 06 04 01        | სარიტუალო მომსახურება   | 35.0              |
| 06 04 02        | მარტოხელა მშობელთა დახმარება  | 72.0              |
| 06 04 03        | ბავშვთა ცენტრის ხელშეწყობა  | 170.0             |
| 06 04 04        | განსაკუთრებული საჭიროების მქონე პირთა მხარდაჭერის პროგრამა  | 50.0              |
| 06 04 05        | 2008 წლის აგვისტოს მოვლენების დროს რუსეთის აგრესიის შედეგად დაღუპულთა ოჯახებისა და დაჭრილ მოქალაქეთა დახმარება                    | 25.6              |
| 06 04 06        | მეორე მსოფლიო ომის მონაწილეთა, ამავე ომის შშმ პირთა და სხვა სახელმწიფოთა ტერიტორიული მთლიანობისათვის ბრძოლის მონაწილეთა დახმარება | 6.6               |
| 06 04 08        | უსინათლოებისა და სმენადაქვეითებულთა მატერიალური დახმარება კომუნალური გადასახადების დასაფინანსებლად                                | 55.0              |
| 06 04 09        | უსინათლოებისათვის წნევის გაზომვი ხმოვანი აპარატების შეძენა  | 3.0               |
| 06 04 10        | შშმ ბავშვთა დღის ცენტრის დახმარება კომუნალური გადასახადების დასაფინანსებლად   | 13.0              |
| 06 04 11        | სოციალურად დაუცველი სტუდენტების მხარდაჭერა  | 20.0              |
| 06 04 12        | ოჯახში ძალადობის მსხვერპლთა დაცვის ღონისძიებები   | 3.6               |
| 06 04 14        | ახალშობილთა ოჯახების დახმარება  | 20.0              |
| 06 04 16        | მრავალშვილიანი ოჯახების ყოველთვიური დახმარება   | 250.0             |
| 06 04 17        | ხუთი და მეტშვილიანი ოჯახების დახმარება  | 40.0              |
| 06 04 18        | სადღესასწაულო დღეებთან დაკავშირებული დახმარებები  | 70.0              |

| პროგრამული კოდი | დასახელება   | 2024 წლის პროექტი |
|-----------------|--|-------------------|
| 06 04 19        | განსაკუთრებით მძიმე საცხოვრებელ პირობებში, უბედური შემთხვევისა და სტიქიური მოვლენების შედეგად დაზარალებული ოჯახებისათვის ერთჯერადი დახმარება           | 30.0              |
| 06 04 20        | მძიმე სოციალურ-ეკონომიკურ პირობებში მარტოდ მცხოვრები (მარტოხელა), სოციალურად დაუცველი, პენსიონერი მოქალაქეებისათვის გაზიფიცირების ხელშეწყობის პროგრამა | 3.0               |
| 06 04 21        | გენდერული თანასწორობის ხელშეწყობის პროგრამა  | 15.0              |
| 06 04 22        | თავშესაფრის გარეშე დარჩენილი ოჯახების დროებითი საცხოვრებელი ბინის ქირით უზრუნველყოფის პროგრამა   | 70.0              |
| 06 04 26        | ჟანგბადდამოკიდებული ბენეფიციარების მატერიალური დახმარება ჟანგბადით უზრუნველყოფის მიზნით  | 10.0              |
| 06 04 27        | საჭიროების მქონე ბავშვიანი ოჯახების ფინანსური დახმარება  | 10.0              |
| 06 04 28        | დიაბეტით დაავადებულ (18 წლამდე) ბავშვთა მატერიალური დახმარების პროგრამა  | 16.8              |
| 06 04 30        | სოციალურად დაუცველი და საჭიროების მქონე მოსწავლეების სასკოლო ნივთებით უზრუნველყოფა   | 10.0              |
| 06 07           | სოციალური მომსახურების ცენტრის ხელშეწყობა  | 1,340.0           |
| 06 08           | ფოთის სატრანსპორტო კომპანიის სუბსიდირება   | 1,000.0           |

2024 წლის ბიუჯეტის პროექტით გათვალისწინებული გადასახდელების საერთო მოცულობა, რომელიც შეადგენს 32 522.2 ათ. ლარს მუხლობრივად გადანაწილებულია შემდეგნაირად:

- „შრომის ანაზღაურება“ - 4 887.8 ათ. ლარი;
- „საქონელი და მომსახურება“ - 8 206.1 ათ. ლარი;
- „პროცენტი“ - 329.6 ათ. ლარი;
- „სუბსიდიები“ - 13 897.4 ათ. ლარი;
- „გრანტები“ - 59.0 ათ. ლარი;
- „სოციალური უზრუნველყოფა“ - 1 713.1 ათ. ლარი;
- „სხვა ხარჯები“ - 795.5 ათ. ლარი;
- „არაფინანსური აქტივების ზრდა“ - 2 058.1 ათ. ლარი;
- „ვალდებულებების კლება“ - 575.6 ათ. ლარი.

2024 წლის ბიუჯეტის პროექტით, ქალაქ ფოთის მუნიციპალიტეტის ხარჯებისა და არაფინანსური აქტივების ზრდა ფუნქციონალურ ჭრილში განისაზღვრება:

- საერთო დანიშნულების სახელმწიფო მომსახურება - 7 715.0 ათ. ლარით;
- ეკონომიკური საქმიანობა - 1 251.4 ათ. ლარით;
- გარემოს დაცვა - 4 994.5 ათ. ლარით;
- საბინაო-კომუნალური მეურნეობა - 4 011.7 ათ. ლარით;
- ჯანმრთელობის დაცვა - 1 141.7 ათ. ლარით;
- დასვენება, კულტურა და რელიგია - 5 693.7 ათ. ლარით;

- განათლება - 3 800.0 ათ. ლარით;
- სოციალური დაცვა - 3 338.6 ათ. ლარით.

ქალაქ ფოთის მუნიციპალიტეტის 2024 წლის ბიუჯეტის პროექტში გამოყენებულია თანასწორობის პოლიტიკის განხორციელების მექანიზმი, რომელიც გულისხმობს საბიუჯეტო პროცესში გენდერული ასპექტების ჩართვას.


**ბ) ბავშვის უფლებრივ მდგომარეობაზე პროექტის ზეგავლენის შეფასება:**

ბიუჯეტის პროექტი ასახავს ბავშვთა უფლებების შესახებ არსებული პოლიტიკის ფარგლებში განსახორციელებელი ღონისძიებების დასაფინანსებლად საჭირო რესურსებს, შესაბამის პროგრამულ კოდში.

**„ქალაქ ფოთის მუნიციპალიტეტის 2024 წლის ბიუჯეტის დამტკიცების შესახებ“ ქალაქ ფოთის მუნიციპალიტეტის საკრებულოს დადგენილების პროექტთან ერთად წარმოდგენილია:**

1. ქალაქ ფოთის მუნიციპალიტეტის 2024-2027 წლების პრიორიტეტების დოკუმენტი.
2. ქალაქ ფოთის მუნიციპალიტეტის 2024 წლის პროგრამული ბიუჯეტის დანართი.
3. ქალაქ ფოთის მუნიციპალიტეტის არასამეწარმეო (არაკომერციული) იურიდიული პირების კანონმდებლობით ნებადართული ნებისმიერი წყაროდან 2024 წელს მისაღები შემოსულობების, გასაწევი გადასახდელებისა და ნაშთის ცვლილების შესახებ ინფორმაცია.
4. სამთავრობო სექტორისთვის მიკუთვნებული სახელმწიფო საწარმოების (ქალაქ ფოთის მუნიციპალიტეტის მიერ დაფუძნებული შეზღუდული პასუხისმგებლობის საზოგადოებები) მიერ საქართველოს კანონმდებლობით ნებადართული ნებისმიერი წყაროდან 2024 წელს მისაღები შემოსულობების, გასაწევი გადასახდელებისა და ნაშთის ცვლილების შესახებ ინფორმაცია.
5. ქალაქ ფოთის მუნიციპალიტეტის 2024-2027 წლების ბიუჯეტის პროექტით გასათვალისწინებული კაპიტალური (საინვესტიციო) პროექტების შესახებ ინფორმაცია.

ქალაქ ფოთის მუნიციპალიტეტის მერის პირველი მოადგილე,  
მერის მოვალეობის შემსრულებელი



დავით კვიციანი